



partii naleraq

23. septemperi 2016

UKA2016/113

**Uunga siunnersuut: KNI A/S pillugu Inatsisartut peqqussutaata
allanngortinneqarneranik Inatsisartut inatsisaat nr. xx, xx 2016-imeersoq.
(Ingerlatseqatigiiffissuup KNI-p suliassaasa killilerneqarnerat)**

Matumuuna saqqummiunneqartoq tassalu Ingerlatseqatigiiffissuup KNI-p suliassaasa killeqarnissaanik siunnersuut oqaaseqarfigissavarput.

Uanilu inatsisissami saqqummiussami Polaroil immikkoortinneqarsinnaanissaa aallaavigalugu inatsisartunut saqqummiunneqarpoq, ilaatigut periarfissamik nutaamik aammassinissaq, tassalu Polaroil immikkoortillugu allaat selskabinngortinneqarsinnaalluni.

KNI nunatsinni annertoorujussuarmik sunniuteqartumik inissisimavoq, ulluinnarni nunaqarfinnut isorliunerusunilu najugalinnut ulluinnarnilu inuunerannut sunniuteqartorujussuulluni, allaat oqartoqarsinnaalluni pinngitsoorneqarsinnaanngitsoq. Taamaattumik isumatusaartumik nunaqarfinnut isorliunerusunullu kiffartuussineq ingerlattuartariaqarpoq, pineqartunut kiffartuussanut innuttaasunut KNI-mullu toqqissisimanartumik.

Pisiniarfeqarnikkut, aammalu ilaasunik angallassinikkut, orsussaarniarnikkut, aningaaseriveqarnikkut allakkeriveqarnikkullu, umiarsualivinnik ingerlatsinermut pajuttornermut assartuinernullu nakkutilliisuulluni, silaannakkut angallanermik sullissisuulluni, taakkuinnaalluunniit eqqaagaanni qanoq sunniuteqartigisumik inissimamera takuneqarsinnaavoq, taamaattumik arlaatigut allannguinnikkut KNI eqqorneqassagaluarpat malunnartorujussuarmik nunaqarfinnut isorliunerusunullu kiffartuussinera innarlerneqarsinnaavoq, nunaqarfimmiunut illoqarfinnullu isorliunerusunut ilungersunartorujussuarmik

Taavalu suliffeqarfissuaq ilaatigut aggulunneqassappat tamanna nunaqarfippassuarnut sunniuteqarnerlussinnaammat soorlu ilaatigut kiffartuussineq annikillineqarsinnaanera aamma takuneqarsinnaavoq pisiniarfiit ammasarneri nunaqarfinni sunnerneqassapput

ilaatigut ammasarneri sivikillineqarsinnaallutik ,tamassumalu aamma kingunerissavaa sulisut ikilisarneqarnissaat, tamakkulu eqqarsaatigissagaanni soorunami toqqissimananngilaq nunaqarfimmiunut suliffeqarfissuarmik agguluinissaq.

Nutaamik KNI-p iluani allanngortitserisoqassappat sunniutissai suunersut tamakkiisumik ilisimaneqarnersut paaserusunnarpoq, tassami allannguinissaq takuinnaraanniluunniit taava nutaamik selskab-mik aallartitsinissaq soorluna anguniarneqartoq. Tassami taamaaliortoqassappat suliffeqarfik nutaaq pilersinneqassaaq nutaanik pisortanik ikkussuisoqassaaq nutaanik siulersuisunik ikkussuisoqassaaq nutaallu aningaasartuutit aallartinneqassallutik, tamannalu imaaliinnarlugu akuersaarsinnaanngilarput.

Aningaasanik sippulinnik peqanngilagut, suliffeqarfiit pigisagut ataatsimoorinnaasut isumaqarpugut, tamakkulu iluatigalugit ingerlatsisariaqartugut, tassami marloriaammik pisortalerlugit siulersuisulerlugillu aaqqiiniarnerit tapersorneqarsinnaanngillat isumaqarpugullu massakkut ataatsimoortumik ingerlatsineq pitsanngorsagassaappat tamanna siulliullugu aqutissaasariaqartoq.

Suliffeqarfiup ingerlassaasa iluani ingerlatsineq ajornartorsiutaasimappat, taava qularnanngitsumik aaqqissutissassumiik nassaartoqarsinnaasoq naatsorsuutigilluinnarparput, taamaattumik Polaroil-p immikkoortinnissaa allaaviginngikkaluarlugu aaqqiisoqarsinnaasoq ilimagilluinnaratsigu.

KNI A/S aamma Polaroil ataatsimoornerat aamma kiffartuussinerup pitsaasuunissanik qulaqqeerinnittuusoq innarlerneqartariaqanngitsoq Partii Naleqqamiit isumaqarpugut. Aammalu misigisimasoqaruni ataatsimoornerat pillugu ajornartorsiortoqarpat taava piginnittut suliffeqarfissuarlu qularinngilara ataatsimoorlutik oqaloqatigiinnermikkut aaqqissuuteqarsinnaasut.

Tassami naammattugassaajuannarpoq suliffeqarfiit immikkut inuiaqatigiinni sullissisut ilaatigut suleqatigiinniarnikkut ajornartorsiuteqartartut naammattoortaratsigit, tamannalu naammattoorneqaaqqissappat isumaqarpugut nunaqarfinnut kiffartuussinermi taamaattut ajornartorsiutinngortinneqartariaqanngitsoq.

Orsussat akiata apppasinnerunissaa soorunami tamatta kissaatigilluinnaripput oqaatigissavarput, tamakkulu aaqqinneqassappata piginnittut tassalu Naalakkersuisut suliffeqarfissuarlu kammattussavagut oqaloqatigiinnerit ingerlatissagaat, qanoq iliornikkut

olia-p akiata apparneqarsinnaanera eqqarsaatigalugu, tamannami ingerlanneqarsinnaavoq suliffeqarfissuaq allanngortitinnikkaluarlugu.

Allannguinerit nutaanik pisortalersuinerit nutaanik siulersuisulersuinerit tassaapput aningaasartuutit nutaat pilersinneqartussat, tamakkulu atuisunut akilersinneqassapput, tamakkulu aningaasartuutit nutaat pilersinneqartussat takusinnaasagut tunngavigalugit allannguiniarneq tassalu Polaroil immikkoortillugu ingerlalissasoq isumaqatiginngilarput.

Hans Enoksen